

YORITIB BERISH

22. Pudratchi quyidagilarni ochib oshkor qilishi shart:

— hisobot davrida har bir qurilish pudrat shartnomasi bo'yicha daromad miqdorini;

— hisobot davrida e'tirof etiladigan qurilish pudrat shartnomasi bo'yicha daromadni aniqlashda foydalaniladigan usullarni;

— qurilish pudratining tugallanmagan shartnomasi bo'yicha ishlarning bajarilish bosqichi foizini aniqlashda foydalaniladigan usullarni.

Qurilish pudrat shartnomalari bo'yicha daromadlar va xarajatlarni baholash usullaridagi o'zgarishlar ham hisobot davridagi va keyingi davrlardagi moliyaviy natijalar to'g'risidagi hisobotda (3-BHMS) e'tirof etiladigan hisob-kitob baholashlaridagi o'zgarishlar kabi ochib berilishi kerak.

23. Hisobot sanasiga tugallanmagan qurilish pudrat shartnomalari bo'yicha pudratchi quyidagi axborotlarni oshkor qilishi kerak:

— haqiqiy qilingan chiqimlarning va e'tirof etilgan daromadning (e'tirof etilgan zararlarni chiqarib tashlagan holda) jami miqdorini;

— oldindan to'langan va olingan mablag'ni;

— ushlab qolingani summalarini.

24. Pudratchi moliyaviy hisobotlarda quyidagilarni aks ettirishi shart:

— buyurtmachilarning qurilish ishlari bo'yicha debitorlik qarzlarni;

— buyurtmachilarning qurilish ishlari bo'yicha kreditorlik qarzlarni.

